



Broj: 01/2-04-3755-2/22
Breza, 19.01.2023. godine

Na osnovu člana 64. stav (1) tačka (b), člana 70. st. (1), (3) i (6) Zakona o javnim nabavkama („Službeni glasnik BiH“, broj 39/14) i člana 39. Statuta Općina Breza („Službeni glasnik Općine Breza“ broj: 7/21), na Preporuku Komisije za javne nabavke (broj 02/1-2-11-3760-9/22 od 29.12.2022. godine) u postupku javne nabavke robe: „Nabavka kancelarijskog materijala za potrebe Općine Breza“ Općinski načelnik, d o n o s i

ODLUKU
o izboru najpovoljnijeg ponuđača
„Nabavka kancelarijskog materijala za potrebe Općine Breza“

Član 1.

Prihvata se Preporuka Komisije za javnu nabavku (broj 02/1-2-11-3760-8/22 od 29.12.2022. godine) i Ugovor za javnu nabavku robe: „Nabavka kancelarijskog materijala za potrebe Općine Breza“ dodjeljuje se izabranom ponuđaču „R&S“ d.o.o. Sarajevo, ponuda (broj 37944/22 od 26.12.2022. godine), za ponuđenu cijenu 28.610,63 KM, odnosno 33.474,44 KM sa PDV-om.

Član 2.

- (1) Prijedlog Ugovora o nabavci dostavit će se na potpis izabranom ponuđaču u roku od 10 (deset) dana računajući od dana kada su svi ponuđači obaviješteni o izboru najpovoljnije ponude.
- (2) Izabrani ponuđač je dužan dostaviti dokaze o kvalificiranosti u skladu sa članom 45. stav (1) tačke c) i d) Zakona o javnim nabavkama u roku od 5 (pet) dana nakon što svi ponuđači budu obaviješteni od strane ugovornog organa o rezultatima postupka nabavke, a prema tački C)1)1. tenderske dokumentacije.
- (3) U slučaju da izabrani ponuđač propusti dostaviti dokaze o kvalificiranosti u navedenom roku ili dostavi neprihvatljive dokaze, odluka o izboru najpovoljnijeg ponuđača će se poništiti.

Član 3.

Za izvršenje ove Odluke zadužuje se i ovlašćuje Služba za privredu i Služba za finansije, inspeksijske poslove i opću upravu, svako u okviru svojih nadležnosti.

Član 4.

Ova Odluka objavit će se na web-stranici Općine Breza, www.breza.gov.ba, istovremeno s upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Član 5.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Zahtjevom za pokretanje postupka javne nabavke broj: 03/1-11-3757/22 i Odlukom o pokretanju postupka javne nabavke broj: 01/2-04-3755/22 od 08.12.2022. godine.

Javna nabavka je provedena putem postupka konkurentskog zahtjeva za dostavu ponuda.

Procijenjena vrijednost javne nabavke robe: „Nabavka kancelarijskog materijala za potrebe Općine Breza“ bez PDV-a iznosi 20.000,00 KM.

Tenderska dokumentacija broj:02/1-2-11-3760-1/22 od 19.11.2022. godine, Obavještenje o nabavci broj:726-7-3-79-3-51/22 od 09.12.2022. godine i Ispravka za obavještenje o nabavci broj 726-7-1-79-8-53/22 od 19.12.2022. godine su objavljeni na Portalu javnih nabavki.

Na osnovu obavještenja na Portalu javnih nabavki, tendersku dokumentaciju sa portala E-nabavke je preuzelo 11 (jedanaest) ponuđača i to:

1. AME D.O.O. BREZA
2. BBS EUROPE
3. HIDROM D.O.O
4. EKAPIJA D.O.O.
5. VIZIJA d.o.o.Visoko
6. TERMO-BETON d.o.o. Breza
7. DŽEVKOMERC INŽINJERING D.O.O. ZAVIDOVIĆI
8. „HYDRA“ DRUŠTVO SA OGRANIČENOM ODGOVORNOŠĆU ZA PROJEKTOVANJE, CONSULTING I INŽINJERING, SARAJEVO
9. NOVA GRADNJA
10. BIHEXO D.O.O
11. ATLAS –D.O.O.

Komisija za javnu nabavku imenovana je Rješenjem (broj 01/2-04-3755-1/22 od 16.12.2022. godine).

Komisija za javnu nabavku dostavila je dana 29.11.2022. godine, Zapisnik o pregledu i ocjeni ponuda, broj: 02/1-2-11-36760-8/22 i Preporuku, broj: 02/1-2-11-3760-9/22 u postupku javne nabavke: „Nabavka kancelarijskog materijala za potrebe Općine Breza.”

U postupku po izvještaju o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 1 (jedna)
- da je blagovremeno zaprimljena 1 (jedna) ponuda
- da nije bilo neblagovremeno zaprimljenih ponuda
- da je ponuda ponuđača: „R&S“ d.o.o.Sarajevo, prihvatljiva ponuda.

Ponuđač je dostavio sljedeće cijene ponude:

Naziv / ime ponuđača		Ponuđena cijena bez PDV-a	PDV	Ponuđena cijena sa PDV-om
1.	„R&S“ d.o.o. Sarajevo	28.610,63	4.863,81	33.474,44

Ugovorni organ je predvidio tenderskom dokumentacijom i u sistemu „E-nabavke“ provođenje e-aukcije .

S obzirom da je dostavljena samo jedna prihvatljiva ponuda, e-aukcija se ne može zakazati, nego se postupak okončava u skladu sa članom 69. Zakona o javnim nabavkama i članom 3. stav (3) Pravilnika o uslovima i načinu korištenja e-aukcije (Službeni glasnik BiH, broj 66/16).

Procijenjena vrijednost javne nabavke robe: „Nabavka kancelarijskog materijala za potrebe Općine Breza,” bez PDV-a iznosi 20.000,00 KM.

Ponuđač „R&S“ d.o.o. Sarajevo je u ponudi naveo da će robu isporučiti za iznos 28.610,63 KM, odnosno 33.474,44 KM sa PDV-om. Ponuda je veća u iznosu 8.610,63 KM bez PDV-a, odnosno 10.074,44 KM s PDV-om.

2 / 3

S tim u vezi, Komisija donosi zaključak: da se predmetna nabavka poništi iz razloga propisanih članom 69. Stav (2) tačka e) Zakona o javnim nabavkama Bosne i Hercegovine („Službeni glasnik BiH“ broj 39/14), odnosno iz razloga što je cijena prihvatljive ponude veća od obezbijedenih sredstava za predmetnu nabavku.

Ukoliko Ugovorni organ obezbijedi nedostajuća sredstva i ako utvrdi da je najpovoljnija ponuda u skladu sa tržišnim uslovima i da može obezbijediti dodatna sredstva za realizaciju nabavke, u tom slučaju može izvršiti izbor najpovoljnije ponude za javnu nabavku robe: „Nabavka kancelarijskog materijala za potrebe Općine Breza“ i dodijeliti ugovor ponuđaču „R&S“ d.o.o. Sarajevo, ponuda (broj 37944/22 od 26.12.2022. godine), za ponuđenu cijenu 28.610,63 KM, odnosno 33.474,44 KM sa PDV-om.

Ugovorni organ je, u skladu sa preporukom Komisije, ustanovio da je ponuda u skladu sa tržišnim uslovima, obezbijedena su nedostajuća sredstva (dopis Službe za finansije, inspeksijske poslove i opću upravu, broj 03/1-11-74/23 od 17.01.2023. godine), te je utvrđeno da su ispunjeni uslovi za prihvatanje ponude ponuđača „R&S“ d.o.o. Sarajevo, ponuda (broj 37944/22 od 26.12.2022. godine), za ponuđenu cijenu 28.610,63 KM, odnosno 33.474,44 KM sa PDV-om.

U postupku ocjene provedenog postupka, Općinski načelnik, nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Izabrani ponuđač je izabran primjenjujući kriterij „najniža cijena“.

Iz navedenih razloga, primjenom člana 64. stava (1) tačka (b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU

Protiv ove Odluke može se izjaviti žalba Ugovornom organu, najkasnije u roku od 5 (pet) dana od dana prijema ove Odluke. Žalba se podnosi u pisanoj formi Uredu za razmatranje žalbi, a putem Ugovornog/prvostepenog organa.

Predlagač: Služba za privredu, Salih Hasanspahić _____

Obrađivač: Jasmina Došlić _____

DOSTAVLJENO:

1x „R&S“ d.o.o. Sarajevo

1x Služba za privredu

1x Služba za finansije, inspeksijske poslove i opću upravu

1x Viši samostalni referent - administrator mreže

1x Evidencija

1x a/a

OPĆINSKI NAČELNIK

Vedad Jusić

3 / 3